



-ESTAMOS EN PROBAS-
Mádanos as túas suxerencias

Fero de opinión
Intercambia opinións con outros lectores

¿Quieres colaborar?
Mádanos os teus artigos

Omnibus non se responsabiliza das opinións dadas polos seus colaboradores/as.

Prohibida a súa distribución con fins comerciais. Se desexa reproducir a páxina nalgún medio de comunicación, consulte primeiro co autor/a.

Suscribete á Omnibus
Recibe no teu correo os novos artigos aparecidos na omnibus.

nome
e-mail
Enviar



Expón as tuas fotos na galería virtual da Omnibus.
Neste número, o tema é "A xanela indiscreta"....



4

Política

Éxodo, emigraçom, exílio. Bio-política d@s perdedor@s e qüestom nacional

Raimundo Viejo Viñas



Em continuidade co desenvolvemento de umha idea de Galiza como "Naçom constituínte", analizam-se os desenvolvementos políticos em curso e se advirte do risco que pode supór umha deriva institucionalizadora da insurreçom da multitude sob a base da institucionalizaçom das loitas do Prestige, contra a guerra e demais. Num contexto tal, asegura-se, a bio-política d@s perdedor@s expressada pola opçom estratéjica da "saída" (éxodo, emigraçom, exílio) diante da situaçom de crise actual (opçom nom só legítima, mas chamada desafortunadamente a se intensificar no futuro) apresenta-se como contribuçom à superaçom do presente estado das cousas antes que como afirmaçom da Galiza realmente existente.

Nestes dias de mobilizaçom múltiples, contra a maré negra do Prestige, contra a guerra por vir no Iraq, etc., um argumento está-se a fazer recorrente nas análises do que acontece: @s galeg@s já nom emigram; loitam, mobilizam-se. Pensado desde umha idea de Galiza que ve a sua constituíçom como Naçom exclusivamente em clave etno-territorial, este argumento agocha um duplo perigo que arrisca com estragar o pulo constituínte das mobilizaçom em curso: por umha banda, pensa-se, a participaçom política conducir-nos há a incrementar progressivamente a nossa própria soberania, particularmente si as mobilizaçom tenhem umha traduçom directa na composiçom da representaçom política detentada polo PPdeG; pola outra, assume-se, somos por fim umha comunidade politicamente acabada, finalmente auto-governada, ou, por lembrar aqui a leitura de Ortega que nom no seu dia nos fixo um dos próceres da Pátria: estamos no caminho de ser umha naçom "vertebrada". Nada mais falso que senhas asunçom, mas vaíamos por partes para ver porquê isto é assi.

En efecto, se olhamos para alguns dos indicadores mais elementais da participaçom política, constatamos que no evoluir da nossa história recente, fai-se-nos obrigado falar de umha auténtica transformaçom de boa parte dos nossos comportamentos políticos e, por ende, da nossa cultura política. Assi, por exemplo, desde os malfadados começos do Estatuto de Autonomia até hoje, a abstençom eleitoral nom deixou de baixar, a tal ponto que, no presente, adoita acontecer que superamos as méias de participaçom eleitoral estatais. Sem este crescimento eleitoral, por certo, nom se comprenderiam os éxitos do BNG na década pasada. Asemade, se recapitulamos a vaga de mobilizaçom na que nos achamos inmers@s poderemos comprovar que Galiza está a ser um dos epicentros fundamentais dos recentes processos de mobilizaçom: a Folga Xeral Nacional do 15-J, as mobilizaçom contra a LOU, contra a maré negra do Prestige ou contra a guerra no Iraq, todos estes ciclos de loita ponhem de manifesto até que ponto somos um dos epicentros mobilizadores no conxunto Estado. Todos estes datos som a evidência da emergência de um poder constituínte que, embora os apóstolos do galeguismo de matriz etno-territorial, nom tem nada que ver com um devir da Galiza-Estado, mas da Galiza-Naçom constituínte.

Para comprender porquê isto é assi, cómpre libertar à Naçom da sua conceiçom etnoterritorial (Galiza como comunidade política prefigurada por umha série de características diacríticas como a lingua galega que falamos, o sangue que nos une aos nossos devanceiros, a história que estes viviron e nos transmitem por via da reproduçom biológica, etc.). De feito, no entanto circunscribamos as posibilidades políticas do galeguismo a estes límites, estaremos cercenando a potencialidade do poder constituínte que integramos na nossa condiçom nacional. Só na medida em que pensemos Galiza como negaçom superadora da idea de Espanha como Estado nacional só na medida em que nos imaginemos em quanto que parte (e nom totalidade) integrante da multitude, acadaremos o horizonte ontológico que require a própria libertaçom nacional. Aqui, justamente, é onde cómpre recategorizar por completo o encerro comunitário identificado como causa prima da nossa autonegaçom política como Naçom. Dito connoutras palabras: nom é porque já nom emigramos (cousa que, aliás, é falsa) que, ao cabo, estamos por fim em condiçom de loitar pola libertaçom nacional.

Sobe á Omnibus
Vente de viaxe coa omnibus. Podes ser un pasaxeiro, mecánico, conductor, copiloto, etc... Hai moitas maneiras de participar e colaborar.

e-book e-books Omnibus
Descarga totalmente gratis o e-book "La primera luz". En e-books Omnibus poderás disfrutar das mellores lecturas en formato electrónico.

Outros artigos do N°
Non hai máis artigos en esta sección

Noutros Números.
Non hai máis artigos en esta sección

Top
Artigos + visitados

1. Por que atraso
2. 'Patafísica e Poesia. Entrevi
3. A segunda vinda da Psicofónica
4. Apresentaçom da nova revista
5. Leite Vama e Cola-Cao. Encotro

Ligazóns + visitados

1. <http://www.rebellion.org/econo>
2. <http://www.rebellion.org/econo>
3. <http://www.galeon.com/bvchoms>

Documentos + visitados

1. documentos/chancleta2.pdf
2. documentos/lssice.pdf
3. documentos/Linguas_e_dialectos



De feito, na era da globalización, as estatégicas políticas colectivas que Alfred O. Hirschman identificava como "saída" (da empresa, organización, Estado, etc.), isto é, o éxodo, a emigración ou o exilio, tamén constitúen, e grazas ao grande sacrificio persoal que comporta esta estratexia (inducido, voluntario ou obrigado), a Naçom. (Nota politolóxica: até tal punto "saída" e "voz" nom se contrarestam segundo as pautas do célebre modelo da balança, que o propio Hirschman houvo de reconhecere a validez do que aquí afirmamos num caso no que o seu interese pola política constituinte levava até o límite a súa concepción da política segundo a lóxica do poder constituído, a saber: a crise terminal do Estado germano-oriental).

E isto porque quando menos desde que Sièyes escribera Qu'est-ce que le Tiers état?, sabemos que no momento dialéctico que comporta o antagonismo nacional, a Naçom constituinte, isto é, a Naçom sem Estado, mas tamén sem vontade por devir Estado, constitúe-se forzosamente como "parte em conflito" (Partei nos termos de K. Marx e F. Engels) ou "partido" nacional (a nom confundir com umha organización determinada), e como tal, na súa auto-produção como subjectividade constituinte, desencadea a superación do presente estado das cousas. Por isto mesmo, na medida em que a propia definición política de Galiza resulta do desenvolvemento da loita de clases, o sacrificio asumido polos que "saem" nom comporta o cercenamento da emerxencia do poder constituinte. Moi pola contra, o que fai a saída é impedir a constitucionalización da Naçom como Estado nacional. Velaquí porque na era da globalización, a bio-política d@s perdedor@s segue a ser motor da propia liberdade nacional: desde Castela até @s emigrant@s anónim@s, quem marchou forçad@ pola miséria, obrigad@ polas circunstancias políticas, ou, simplemente impulsad@ pola indignación sonhadora contribuírom a construír Galiza, pese o que pese aos apóstolos das comunidades etno-nacionais puras, aos señores dos holocaustos e as limpeza étnicas ou aos patronos que seguen a se procurar um exército de reserva co que continuar a lhezougar o sangue ao traballo asalariado.

Genève, Galiza-exterior, Idus de marzo de 2003

Página 1



□ A Valoración media:

Título

Comentario [máis...](#)

Autor [email](#)

[máis opinións](#)

 [a túa opinión](#)

